
ФАРҒОНАДА ЗАМОНАВИЙ ЭНДОКРИНОЛОГИЯ МАРКАЗИ ТАШКИЛ ЭТИЛАДИ

Вилоят ҳокимлиги, вилоят соғлиқни сақлаш тиббиёт институти, вилоят соғлиқни сақлаш бошқармаси, “ASL PHARMA» МЧЖ ҳамда Ҳиндистоннинг “VGLOBAL” компанияси раҳбарлари ўртасида халқаро ҳамкорлик ҳақида меморандум имзоланди.

Ушбу келишувга кўра, Фарғонада замонавий эндокринология марказини ташкил этиш режалаштирилмоқда.

Вилоят ҳокимлигида ҳиндистонлик ҳамкорлар билан ўтказилган учрашувда марказни ташкил этиш бўйича амалга ошириладиган ишлар, томонларнинг ҳуқуқ ва мажбуриятлари келишиб олинди.

Давлат хусусий шериклиги асосида ташкил қилинадиган янги марказ учун вилоят соғлиқни сақлаш бошқармаси бино ажратиб беради. Ҳиндистонлик ҳамкорлар эса марказни барча тиббий асбоб-ускуналар ва жиҳозлар билан таъминлайди. Шунингдек, малакали хориж мутахассислари ҳам ишга жалб этилади.

Бундан ташқари, меморандумда Ҳиндистон компанияси иштирокида Фарғонада клиник лаборатория очиш ҳам кўзда тутилмоқда.

Бизни ижтимоий тармоқларда кузатинг [Facebook](#),
2021-02-24 18:45:44